

鄧氏清芬閣歷史文獻叢書


一九九四年甲戌仲夏鄧又同重輯

鄧和簡公奏議

鄉後學李棣敬題



辛未仲春



鄧和簡公奏議

後學凌福彭敬署

恭報皖撫到任日期摺

奏為恭報

微臣

到皖接篆日期叩謝

天恩仰祈

聖鑒事竊臣在江蘇布政使任內恭承

簡命補授安徽巡撫於九月間遵

旨到京仰蒙

召見二次

訓誨周詳莫名欽感

陛辭後起程出京取道天津航海南下茲於十月二十八

日行抵安慶省城二十九日准前任撫臣福 將安徽巡撫兼提督銜關防蕪湖關監督關防一顆暨

王命旗牌文卷等件派委署安慶府知府楊綜清撫標中軍叅將齊金鰲齎送前來臣當即恭設香案望

闕叩頭謝

恩祇領任事伏查皖省控江淮千里之要衝巡撫為文武百僚之表率責成綦重時事方艱安民惟在於用人練兵莫先於選將治理視寬嚴之互用軍儲宜緩急之熟權以及交涉機宜自強要策均係當今之急務皆應實力以講

求臣一介輕材懼難勝任惟有慙遵

聖訓碑竭愚誠隨事會商督臣認真經理以期仰答

高厚鴻慈於萬一除恭疏

題報外所有微臣到皖接篆日期並感激下忱謹繕摺叩謝

天恩伏乞

皇上聖鑒再臣經過直隸江蘇安徽一帶雨暘應候二麥

發生地方民情安謐合併陳明謹

奏

[illegible]

委知府勞肇光署廬州府片

再廬州府知府文翰經部調引所遺員缺應委員往署以重職守查有候補知府勞肇光事理通達勤慎安詳堪以酌委署理據藩臬兩司會詳前來除檄飭遵照外謹會同兩江總督臣劉 附片具陳伏乞

聖鑒謹

奏

[illegible]

陳明知縣互調署理片

再卅縣為親民之官必須人地各得其宜方足以資治理
竊本任亳州知卅宗能徵前經檄飭赴任以專責成在案
茲查該員留心民事謹慎安詳堪以調署南陵縣知縣其
遞遺亳州知卅員缺政務殷繁必須精明幹練之員方能
措置裕如查有南陵縣知縣孫鳴皋精明幹練勤奮有為
堪以互相對調著理一轉移間堪期各盡所長該二員各
本任內並無承緝已起四叅案件據署布政使于蔭霖按
察使趙爾巽會詳請

奏前來除分檄飭遵各赴調任外謹會同兩江總督臣劉
附片具陳伏乞

聖鑒謹

奏

安省應提丁漕錢價平餘銀兩每年約提數目摺

奏為查明安徽省應提各屬丁漕錢價平餘銀兩每年約
提數目恭摺仰祈

聖鑒事竊查前准戶部咨令照江西省減徵丁漕錢價並
提解丁漕錢價平餘一案臣於上年十月間具摺覆

奏錢糧自光緒二十三年下忙為始每徵銀一兩加解錢
價平餘銀七分漕糧自本屆折徵冬漕起每米一石加解
錢價平餘銀一錢並聲明各屬徵數不齊尚須詳細查明
分別酌定提歸公用若干俟彙齊結總始知確數在案茲

據署布政使于蔭霖詳稱安徽省漕糧一項原定折價較優各該州縣無論如何為難均應分別減徵提解其地丁錢糧各屬徵收情形不一應分別酌量辦理札飭各該管府州詳細查明來公會議酌擬辦法覆核日久未據稟覆又經迭次嚴催現據安慶徽州甯國池州太平廬州鳳陽潁州六安泗州滁州和州廣德等十三府州聯銜稟稱遵查安徽通省夙非富庶之區安廬和太四屬濱臨江湖地勢沮洳易遭水患徽甯池三郡半處山中岡嶺袤延田少而瘠廣滁六安所屬亦復山多地磽潁州一郡地皆平壤

悉種旱糧素鮮塘堰溝渠輒以曠乾為患鳳泗二屬又近
淮河十歲九澇以致水旱偏災歲所恒有各州縣衛應徵
錢糧多難照額全徵其徵收情形亦各不同有照章徵銀
者有銀錢並徵者有地非通衢無銀可易從民之便以錢
折徵者所定折價各以市價為衡所得平餘本來為數無
幾如不論徵銀徵錢概飭每銀一兩加解平餘銀七分其
有錢價盈餘者尚堪勉力遵行其實徵現銀及折徵錢文
較少者則皆無從挹注深虞難以養廉似應量為區分使
免辦公竭蹶該府州等會同查核逐細參稽如宣城南陵

宿州亳州渦陽潛山建德等七州縣均係折錢徵收擬請
飭每兩加解平餘銀七分又繁昌縣亦係折錢徵收惟缺
小用繁提解七分力有難逮擬請飭每兩加解平餘銀四
分又宿松太湖甯國涇縣懷遠等五縣向係徵銀零戶間
以錢折納銀多錢少盈餘無多未能遵解七分擬請飭每
兩加解平餘銀三分又廣德六安建平三州縣以錢折納
者約有十分之二擬請飭按二成完錢之數每兩加解七
分至懷甯桐城望江歙縣休甯婺源祁門黟縣績溪太平
旌德貴池青陽銅陵石埭東流當塗蕪湖合肥舒城廬江

無為巢縣鳳陽定遠壽州鳳臺靈璧阜陽潁上霍邱太和
蒙城滁州全椒來安和州含山霍山英山泗州盱眙天長
五河等四十四州縣並安慶新安宣州建陽廬州鳳陽長
淮泗州滁州等九衛或地屬衝途差繁用鉅平日已形况
瘁不免左絀右支或向皆徵銀本無錢價平餘之可取或
間有折錢折洋銀完納徵數較少盈餘甚微似宜留作辦
公之用或額徵本不為多缺屬著名瘠苦折錢完納實在
無餘擬請均予免提以示體恤其宣城等十五州縣應加
解此項平餘銀兩概自光緒二十三年下忙起飭各該

標

數目分別清解南陵一縣因辦理清賦耗費較多請緩至
光緒二十四年再行加解至凡有漕卅縣應飭統自光緒
二十三年冬漕起一律每石加解錢價平餘銀一錢惟懷
甯縣為省會首邑缺苦差煩請俟光緒二十四年冬漕起
遵章提解免予減徵用示區別嗣後如銀價翔貴錢價跌
落不敷分布丁漕兩項難再提解錢餘應准據實稟請仍
舊徵收均免提解等情開摺送由該司轉詳經臣批准分
飭各屬遵辦現由司按照各該卅縣上年情形業內開報
熟徵丁漕銀米各數分別查核統計妥省每年應提各屬

地丁錢價平餘約銀一萬七千二百餘兩漕折錢價平餘約銀二萬二千餘兩二共約銀三萬九千二百餘兩此項約提數目如遇災歉之年其熟徵銀米多寡未能畫一迨至奏銷時候亦慮有民欠未完恐尚未能按年如數提解等情開具清單詳請

奏咨立案前來臣覆查無異除清單咨送戶部查照外理合恭摺具陳伏乞

皇上聖鑒謹

奏